



Pia Hilaria R. P. Angelini Gazæi E Societate Iesv Atrebatis

Gazet, Angelin

Antverpiae, 1629

Honoris indoles, Aula failia.

[urn:nbn:de:hbz:466:1-70444](#)

Subitoque factus dosuarius Brochas,
Fideque mentem muniens, pectus cruce,
Facili leuatam dicit in humeros manu,
Et gestat ansa brachij immensam trabem:
Quod non bis octo baiuli possent loco,
Id oneris effert; validi ut Heluetij solent,
Seu pace vigiles, siue bello milites,
Longas in armos euibrare lanceas,
Gressu deinde musico, & equipondium
Gestare faciles, sic suam stipem Brochas.

Stupere Cuius, de que curuo rectior
Repente fieri ccepit, & blandum loqui,
" Euge, inquit, Abba, perge quo pergis gradu:
" Merito lubensque do, dico, addico trabem,
" Quam ferre virtus maior humanam potest.

Curuo salutis ansa sarcasmus fuit,
Nam inane celi pectus & vacuum Deo,
Terraque mersum, iamque finitimum stygi,
Meliore deinceps mente, sordes eluit,
Sordesque fugit. Nempe fieri sic amat:
De pumice fluit vnda, dum Superi volunt.

Honoris indoles, Aula familia.

Mira est Honoris indoles; si quos videt
Animis anhelos, ac hiantes praesiti,
Pruriginemque nutrientes anxiam,
Sudore longo diffluere, tandem ut queant
In Diui Honoris ingredi Album nobile;
Illos aduncam nare suspendens Honos
De splene toto ridet, & ludos facit;
Iam persequentes, iam prehensantes fugit

E 3

Suspi-

Suspiriosos gloriarum Tantalos.
Nilque pudibundi, præter ascriptum Nihil,
Domum reportant, quo parietem ornent suum.

Sed si fugaces conspicatur, & sui
Metuentiores quospiam, quibus tamen
Et multa virtus, multa sit scientia,
Rerum magister vsus, & famæ nitor,
Amantiores pacis & silentij,
Latere cupidos in suo mutos lare,
Peius veneno pestilente prosc qui
Popularis auræ follicantes fumulos,
Et inane laudis gloriæque cymbalum;
Hos ambit, hos procatur, hos amplectitur,
Præire mandat, imperat lucem dare,
Iubet & cathedras celsiores scandere.
Hæc est Honoris indoles, hic est lepos.

Hæc inter Aulâ regnat amplius in suâ:
Huic supplicamus omne Sapientes genus,
Genus omne stulti. Semper est, semper fuit
Immensa turba (quantus in Phœbi face
Vulgus atomorum est) turba, Regis arduas
Fores Honoris obsidens, cuncti suum
Manu libellum præferunt, sunt & viri,
Sunt è iuuentâ, sunt senes filicernij,
Sunt omnis ætas, & togâ clari & lago.

Audent Honori, dignitatis quidpiam
Si rusticæ aut vilis officij vacat,
Manu & papyro supplicare sordidâ
Pago Menalcas in suo, Corydon suo.
Si vel miscellus lictor oppetuerit,
Ilicò libelli supplices centum volant:
Si quando Præful aut Senator ultimam

Con-

Conficere sumimam creditur; mox tanta vis
Volantum in Aulam, tanta prensantum manus,
Et ambientum copia est, pænè ut fores
Easque ahenas Domini Honoris dissipent,
Et nisi satelles voce durus & manu
Vim vi reiceret, mox abirent cardine.

Familia Honori multa, prudens, integra est,
Oculoque vigilans & bona experiens rei.
A foribus ipsi Sudor est, ab epistolis
Labor, à sigillis & cubili Industria,
Ab aure fida semper est Prudentia:
Consilia Virtus ipsa signat intima.
Honor est Honori familie tantus decor.

Hos inter vnum vnicus, tantâ in domo,
Pincerna nequam est, dedecus creans suis.
Namque hic subinde captus aureâ manu,
Aut in popinâ delibutus Massico,
Meridiani porrigit tabulas Hero,
Et dignitates suadet indignis dati,
Dignosque toruis intuens, agit foras.

Quod magè dolendum, nundinas sacras facit
Gener hic Simonis, perque posticum ingredi
Iubet ad Honorem læpè consimiles sui.

O si in catastam dederetur improbus,
Aut exul iret Virgicrepinas in plagas!
Meliùs haberent publica, melius Sacra.
Turpe Nebuloni nomen est, Amor Lucri.